

173

2. ágúst

SAMÞYKKT

fyrir Veiðifélag Eyjafjarðarár.

1. gr.

Félagið heitir „Veiðifélag Eyjafjarðarár“. Heimili þess og varnarþing er sama og formanns.

2. gr.

Verkefni félagsins er að auka silungs- og laxveiði í Eyjafjarðará og þverám þeim og lækjum, er í hana renna, með innflutningi fiskseiða, klaki, friðun á fiski og settum reglum um veiðitæki og veiðiaðferðir, eftir því sem lög mæla fyrir.

3. gr.

Félagssvæðið nær yfir allar þær jarðir í Öngulstaða-, Saurbæjar- og Hrafnagilshreppum og lögsagnarumdæmi Akureyrarkaupstaðar og Veigastaði á Svalbarðsströnd, sem land eiga að ánum, en félagsmenn eru allir ábúendur jarðanna, en þær eru: Veigastaðir, Austurhlíð, Ytri-Varðgjá, Syðri-Varðgjá, Eyrarland, Arnarhóll, Knararberg, Leifsstaðir, Kaupangsbakki, Kaupangur, Þórustaðir, Gröf, Skálpagerði, Ytri-Hóll, Syðri-Hóll, Garðsá, Þröm, Þverá, Jódisarstaðir, Staðarhóll, Öngulsstaðir, Björk, Borgarhóll, Munkaþverá, Rifkelsstaðir, Stóri-Hamar, Bringa, Rútsstaðir, Öxnafell, Öxnafellsskot, Guðrúnarstaðir, Helgastaðir, Möðruvellir, Stekkjarfletir, Björk, Finnastaðir, Seljahlíð, Gnúpufell, Hrisar, Æsustaðir, Æsustaðagerði, Arnarstaðir, Arnarfell, Hólar, Hólkot, Jökull, Halldórsstaðir, Tjarnir, Hólsgarði, Torfufell, Ytri-Villingadalur, Leyningur, Jórunnarstaðir, Ártún, Skáldstaðir, Kolgríma-
staðir, Gullbrekka, Gilsá, Nes, Hleiðargarður, Krónustaðir, Sandhólar, Saurbær, Vellir, Rauðhús, Melgerði, Mikligarður, Yzta-Garði, Miðgerði, Ölvesgerði, Samkomugerði, Tjarnargerði, Vatnsendi, Litli-Garður, Torfur, Gilsbakki, Möðrufell, Hraungerði, Árbær, Grund I, Grund II, Hólshús, Dvergsstaðir, Litlihóll, Espihóll, Espigrund, Stokkahlaðir, Botn, Hrafnagil, Kroppur, Kristnes, Grísará, Reykhús, Teigur, Syðragil, Ytragil, Vaglar, Hvammur, Litlihvammur, Akureyrarkaupstaður.

4. gr.

Óheimilt er öllum öðrum en félaginu að veiða silung og lax í vötnum þeim, er um getur í 2. gr., nema með sérstöku skriflegu leyfi félagsstjórnar eða framkvæmdarstjóra. Skál þar tekið fram um veiðitíma, veiðitæki og með hvaða kjörum leyfið er veitt.

5. gr.

Heimilt er félagsstjórn að leigja ár á félagssvæðinu eða hluta af þeim einstökum mönnum eða félögum til stangarveiði, ef sýnilegt þykir að það sé hagur fyrir félagið. Þó má það leyfi eigi vera til lengri tíma en eins árs í senn, nema lögmætur félagsfundur samþykki og tekið hafi verið fram í fundarboði, að slíkt veiðileyfi yrði til umræðu.

6. gr.

Nú ákveður félagið að hafa sameiginlega veiði. Er þá stjórninni heimilt að ráða mann til að standa fyrir veiðinni og er hann framkvæmdastjóri félagsins. Hefur hann aðgang að veiðivötnum þess, þar sem samþykkt hefur verið að stunda félagsveiði, hvenær sem er, á meðan veiðitími stendur yfir. Heimil er honum öll nauðsynleg aðstaða við veiðina, en skylt er að félagið greiði jarðeiganda skaðabætur fyrir spjöll, er verða kunna á arðbærum eignum, eftir samkomulagi eða mati, ef ekki næst samkomulag.

7. gr.

173

2. ágúst

Framkvæmdastjóri annast um framkvæmd félagsveiðinnar, sér um verkun og sölu aflans og færir alla reikninga þar að lútandi. Hann hefur umsjón með því að samþykktir félagsins séu haldnar og gerir leigusamninga, allt í samráði við félagsstjórn.

8. gr.

Stjórn félagsins skipa 5 menn, formaður og 4 meðstjórnendur, og jafnmargir til vara. Stjórnin skiptir með sér verkum. Skulu stjórnarmenn kosnir á aðalfundi til þriggja ára í senn. Skal einn þeirra að minnsta kosti vera búsettur í Öngulstaðahreppi, einn í Saurbæjarhreppi, einn í Hrafnagilshreppi og einn í Akureyrar-kaupstað, og jafnmargir varamenn úr sömu félagsdeildum. Ganga menn úr stjórn til skiptis þannig: Formaður gengur úr eftir eitt ár, tveir meðstjórnendur ganga úr eftir tvö ár, með hlutkesti, og tveir eftir þrjú ár. Enginn atkvæðisbær félagsmaður getur skorast undan kosningu í stjórn eitt kjörtímabil í senn, nema lögmæt forföll séu. Þó er honum ekki skylt að taka endurkosningu jafnlengi og hann hefur setið í stjórn. Heimilt er stjórninni að velja sér trúnaðarmenn til eftirlits friðuninni.

Kjósa skal tvo endurskoðendur og tvo varaendurskoðendur til tveggja ára í senn og ræður hlutkesti hverjir ganga úr eftir fyrsta árið.

Á stjórnarfundum ræður afl atkvæða úrslitum mála.

9. gr.

Stjórnin hefur á hendi umsjón með öllum framkvæmdum félagsins. Hún ræður framkvæmdarstjóra, sbr. 6. gr., og gerir við hann samning um kaup og önnur kjör, enda samþykki lögmætur aðalfundur þann samning. Formaður er fulltrúi félagsins út á við og hefur yfirsýningu með störfum þess og fjárreiðum öllum.

10. gr.

Aðalfundur heldur félagið eigi síðar en í júnimánuði ár hvert.

Aðalfundur er lögmætur ef hann er boðaður skriflega og sé fundarefnis getið í fundarboði, má eigi boða hann með minni fyrirvara en þremur dögum. Nú mætir minna en $\frac{1}{4}$ félagsmanna á fundi, er fundur þá að visu ályktunarfær, en boða má aftur til fundar samkvæmt 11. gr., og getur sá fundur upphafið samþykktir hins fyrra, enda sé hann haldinn innan eins mánaðar og eigi minna en helmingur félagsmanna mættur.

Á aðalfundum skýrir stjórnin frá störfum félagsins á liðnu ári, og leggur fram áætlun og tillögur um starfsemi þess næsta ár. Þar leggur hún og fram reikninga félagsins endurskoðaða og úrskurðar fundurinn þá.

Aðalfundur kveður á um laun stjórnar og annarra starfsmanna félagsins.

Afl atkvæða ræður úrslitum mála á fundum, nema um breytingar á samþykktum sé að ræða eða félagsslit.

11. gr.

Aðra félagsfundi heldur stjórnin þegar henni þykir ástæða til eða ef $\frac{1}{4}$ félagsmanna æskir þess og tilgreinir fundarefni.

12. gr.

Reikningsár félagsins er almanaksárið.

13. gr.

Arður, sem aðalfundur ákveður að úthluta, skiptist milli félagsmanna eftir arðskrá, er lögmætur fundur samþykkir, $\frac{2}{3}$ félagsmanna hafa undirritað og ráð-

173 herra staðfest. Gildir hún til 5 ára í senn. Þó er þeim, er telja sig vanhaldna um 2. ágúst skiptingu arðs, heimilt að krefjast þess að arðskrá sé ákveðin með matsgerð.

Náist ekki samkomulag um nýja arðskrá að liðnum fimm árum, gildir gamla arðskráin áfram, þar til ný arðskrá er samþykkt. Félagsmenn greiða gjöld til félagsins í sama hlutfalli og þeir taka arð.

14. gr.

Samþykktum þessum verður ekki breytt nema á aðalfundi og þarf $\frac{2}{3}$ atkvæða með breytingunni.

Félaginu má slíta, ef tillaga um það er samþykkt með $\frac{2}{3}$ atkvæða á tveimur fundum í röð.

15. gr.

Brot gegn þessum samþykktum varða sektum allt að 1000 krónum, sem renna í sýslusjóð. Með mál út af brotum skal farið sem almenn lögreglumál.

Samþykkt þessi, sem er gerð samkvæmt lögum nr. 112 9. október 1941, um lax- og silungsveiði, staðfestist hér með til að öðlast þegar gildi, og birtist til eftirbreytni öllum þeim, er hlut eiga að máli.

Landbúnaðarráðuneytið, 2. ágúst 1952.

Hermann Jónasson.

Árni G. Eylands.

174

25. ágúst

FJALLSKILAREGLUGERÐ

fyrir Borgarfjarðarsýslu.

I. KAFLI

Stjórn fjallskilamála.

1. gr.

Sýslunefnd hefur á hendi yfirstjórn allra fjallskilamála, samkvæmt gildandi sveitarstjórnarlögum á hverjum tíma, en hreppsnefnd alla umsjá með framkvæmd þeirra.

2. gr.

Hreppsnefndir geta gert nákvæmari ákvarðanir um fjallskil í einstökum atriðum. Þó má eigi þar með raska reglugerð þessari, og skulu hreppsnefndir gæta þess að farið sé eftir ákvæðum hennar.

II. KAFLI

Afréttir og notkun þeirra.

3. gr.

Allt land skiptist í heimalönd og afrétti. Það skulu vera afréttir, sem áður hafa verið. Þó geta hreppsnefndir tekið nýja afrétti, breytt takmörkum afrétta og lagt til þeirra heimalönd eða landshluta einstakra jarða, með samþykki landeigenda og umráðamanna, enda sé landið ekki varið annarra fénaði.